



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1663. usque ad annum 1674

Fleury, Claude

August. Vind. [u.a.], 1780

VD18 90119193

§. 6. Motus ob Thesin Claramonti defensam.

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

propugnare aut scripto tradere auderet. *Sæc. XVII.*
 Sic denique adhuc uno, eoque sat lar- *A. C. 1663.*
 go passu Parlamentum in Galliis re-
 cessit ab antiqua doctrina de Pontificis
 auctoritate, cum hucusque ex Gallis
 nullus sententiam, quæ Papam Con-
 cilio esse superiorem docet, *erroneam*
aut censuris dignam dicere, præsumpsisset.

§. VI.

*Motus ob Thesin Claromonti de-
fensam.*

Hoc item anno Claromonti habeba- *Ex Bibl.*
 tur disputatio, in qua hæc Thesis *Sorb.*
 fuit propugnata: *Præter accersitos e sa-^{n.} 1514.*
cris paginis contra Copernicanam arcem ca-
nones, excutiuntur e Vaticano fulmina,
proferturque sententia Congregationis Car- *Recueil nouv.*
dinalium inquisitioni Præsectorum, qui terræ des Aff. du
mobilis non tam hypothesim, quam thesim legi- *Clergé t. I.*
tima in Gallilæo Censura proscripsere: Cujus
quidem Censuræ Authoritas, licet nullo pon-
dere sit apud audaciores aliquot Mathematicos,
quam religiosiores, magni tamen ponderis
est apud eos, qui non tantum quid Ecclesia
præcipiat, verum etiam quo propendeat.
observant accurate. An hæc porro Cen-
sura totius Controversiæ plane decretoria
sit, nihil hic puto necesse dicere; satis est
ad rem nostram, quod illa quale sit tenen-
dum a nobis iter ostendat.

B 4

Hanc

Sæc. XVII. Hanc Thesin ex Parisiensibus Theo-
 A. C. 1663. logis non pauci notandam censuere,
 ac propterea Facultatis Syndicum Mar-
 tinum Grandin monuerunt, ut eam ad
 Facultatem deferret; cum autem id
 facere renueret. Valerianus de Fla-
 vigni Doctor Sorbonicus hanc Thesin
 denunciavit, ubi re mature deliberata,
 reluctante etiam Syndico, sexaginta
 Doctorum suffragio conclusum est. The-
 sin istam examini esse subjiciendam;
 nec his contentus Flavignius, etiam
 in publicis comitiis die secunda Julii
 habitis graviter adversus Syndicum
 hancque Thesin exostulavit, demon-
 strans, quod Thesis ista eo potissimum
 vergat, ut clanculum ac subdole Inquisitio-
 nem, quæ Gallis semper summopere displicuit,
 Roma Parisios advehat, ejusque de-
 creta, ac si essent Ecclesie fulmina, stabiliat,
 aliunde vero hujus Thesis Author
 dominationem spernat, Regiam Majestatem
 blasphemet, Jura Regis Christianissimi,
 ejusque Regni infringat ac violet, augu-
 stissimi Senatus auctoritatem derideat, aut
 non curet, Trium- Virorum Regiorum,
 etsi consultissimorum, curam omnem ac sol-
 licitudinem eludat prorsus ac eliminet, De-
 cretis S. Facultatis insultet, & Senatus
 Præsidi injuriam faciat & invidiam pro-
 creet. Verum res in hac exostulatione hæsisse videtur, cum de nulla
 Facul-

Facultatis censura constet; quamvis Sæc. XVII.
 Syndicus scriptam Flavignii declama- A. C. 1663.
 tionem tanquam libellum infamen &
 injuriis plenum ad Senatum detulisset,
 a quo decretum obtinuit, quo Facul-
 tati hujus Thesis examen fuit in-
 hibitum.

§. VII.

*Collationes inter Theologos Catho-
licos Portu - Regienses.*

Insuperhabito Regis mandato non pauci
 præscriptam juramenti formulam si- *Abb. du*
 gnare tergiversabantur; cum autem *Maf. Hist.*
 inde graviores motus concitari, Ludo- *des cinq.*
 vicus Franciæ Rex haud temere vere- *prop. l. 4.*
 retur, Gilberto Choiselio Convenarum *Dupin Hist.*
 Episcopo negotium dederat, ut cum *de l'Eccl.*
 Portu - Regiensibus Theologis conve- *tom. 4.*
 nire satageret: peropportune etiam
 Miramontius Tolosani Parlamenti Præ-
 ses eundem Episcopum, qui tum To-
 losæ agebat, excitare nitebatur, ut
 præsentem controversias, quin formulæ
 subscriptio exigeretur, sedandi media
 excogitare vellet. Annuit Episcopus,
 qui præter Miramontium, etiam Pa-
 trem Ferrierium Jesuitam adesse voluit,
 eisque proposuit, quod nil magis con-
 sultum censeret, quam si in privatis
 colloquiis cum Jansenistis institueretur